

[www.BibleForChildren.org](http://www.BibleForChildren.org)

# Pomulanya 3



Wali yako etu i Adam  
mangansangka indo nu ananya etu i  
Hawa, batuanginya katuwu. Naka pei  
ia mangansangka ia katuwu, apa  
samparia to lino to re'e paka yako  
wiyaa i Hawa semo.



Wali tempo i Pue Yawe  
mampapowali samparia binatang,  
tempo etu re'e samba'a to pande kojo.  
Ia semo to pande-pande wo'u pei  
kasampariannya ngaya nu binatang to  
yusa. Wali to pande etu, etu semo ule.




Wali yako etu re'e seo ule etu yau mangampago tau we'a ri raya nu bonde pei mangampogomboka ia. Ule etu rani mangantipu ia, see naka ia mampotanaka, "Wimba, bara monso pu'u i Pue Allah manganto'oka komi dua, 'Samparia kaju ri bonde si'i ne'e kojo nukoni ngkomi wuanya?'"



Wali tau we'a etu mangansono, ia manganto'o, "Si'a ewa see! Samparia wua ngkaju ri bonde si'i paka maya kami mangkoni, pei ojo kaju to ri tongonya kojo bonde si'i, to etu taa maya rakoni wuanya."



“Ane kaju to etu, i Pue Allah manganto’oka kami, ‘Ne’e mangkoni wua ngkaju to etu pasi ne’e seja mampotaka, see komi taa damate yau.” Ewa wetu sono ntau we’a. Wali ule etu manganto’oka tau we’a, “Gete, taa monso! Komi taa damate.”



“Kamonsonya naka pei i Pue Allah manganto’oka komi ewa wetu apa la mangansani ane komi mangkoni wua ngkaju to etu komi datidugang wo’u kapandemu.” Wali komi damawali sewaju ewa la, batuanginya komi damangansani seja anu to matao pasi anu to maja’a.” Etu semo gombo to nato’o nu ule mangantipu tau we’a etu.



Wali tau we'a etu mangalo'aka wua  
ngkaju etu pei mangkita wua ngkaju  
etu magaya kojo pasi matao rakoni.  
Pasi ia kaloo mampobuuka kapande  
to danarata ntau to mangkoni wua  
ngkaju etu.



Wali see naka ia mangoko wua  
ngkaju etu pei mangkoni. Roo see  
ia mangawaika seja resi pa'a nu  
ananya to siwaka pei ia etu, panewa  
pa'a nu ananya etu mangkoni seja.



Wali ojo karoonya sira dua mangkoni  
wua ngkaju etu, mansaka tiloka  
pampobuuka nsira. Wali tempo etu  
semo panewa sira mangepe mea apa  
lambe. Wali sira mangoko ira ngkaju  
ara pei mangajau, sira  
mangika ewa basa'u  
pasi rok to  
danapake  
mangabombong  
eanya.





Pei i Pue

Yawe mampokio i

Adam, ia manganto'o, "Adam, imbamo


korom?" Wali i Adam mangansono, ia manganto'o,

"Aku mangandonge loo mbiti ngKomi tempo Komi

malinja ri bonde si'i, wali aku meka rayangku see

naka kami dua masaya yau apa saba kami lambe."






Wali ojo  
pangandonge i mPue Yawe sono i  
Adam etu, la mampotanaka i Adam, to'oNya, "Sema  
to nampaponsanika korom naka pei nunsani ngkorom  
komi lambe? Wimba, korom bara roomo mangkoni  
wua ngkaju to Kuto'oka korom ne'e rakoni?"



Wali i Adam mangansono, ia manganto'o, "Iya, pei tau we'a to Komi nangawaika aku damawali yunungku, ia semo to nangawaika aku wua ngkaju etu, wali see naka aku mangkoni."  
Wali i Pue Yawe mampotanaka wo'u resi tau we'a etu, to'oNya, "Kesaa sabanya naka pei korom mangika palaong to etu?" Wali tau we'a manganto'o,  
"Ule to nangakal aku see naka aku mangkoni."





Wali i Pue Yawe mangarubak yau  
i Adam sira dua yako ri bonde to re'e ri  
tana Eden naka ne'e sira mangkoni  
wua ngkaju etu. Ia manganto'oka  
sira mampasilonga tana  
damangarata pangkoni, apa  
sira raika yako ri  
tana etu semo.



A colorful illustration depicting a scene from the Bible. In the background, there is a white fence with a white figure standing behind it, holding a long wooden staff. The fence is set against a backdrop of stylized green and yellow hills and a blue sky. In the foreground, a man with a beard and curly hair, wearing a grey, textured tunic, stands next to a woman with long brown hair, also wearing a similar tunic. They are both looking towards the left. The ground is grey, and there are several green, spiky plants with yellow dots scattered around. The overall style is simple and cartoonish.

Wali ojo karoonya la mangarubak  
yau sira dua

yako ri bonde ri tana

Eden etu, i Pue Yawe  
mampapokampangika bara  
sawei mba'a pomakauNya to  
maroso kojo to rato'oka kerub  
nja'u sambali bonde ri tana  
Eden etu tondo  
mata nu eo.





Pasi la mamposaka  
seja wada to mataja dua

mbalia ri wombo njaya nu bonde etu.  
Wada etu titoro-toro mawea ewa  
apu mangajagai jaya to yau ri  
bonde to kare'e ngkaju to  
mangawai katuwu  
see tare to maya  
masua reria.



Wali yako etu i Adam ia maturu siwaka pei indo nu  
ananya, i Hawa, panewa i Hawa mawali mayu'u.  
Yako etu, ojo karatanya temponya, i Hawa  
mampoanaka ana langkai. Ojo kare'e nu ana etu, i  
Hawa manganto'o, "I Pue Yawe

mangansawang aku,  
see naka aku  
re'emo ana  
langkai si'i."




Ewa wetu nato'o i Hawa, wali see naka ananya etu isangakanya i Kain, batuanginya "Re'emo". Yako etu i Hawa ia mangkayu'uka wo'u ana to kadua, a'i i ngKain. Ana etu langkai seja sanganya i Habel. Wali yako etu, tempo sira dua bosemo,


tempo etu i Habel ia mawali to pangkampang domba, pei i Kain ia mawali to panawu.



Wali re'e seo sira dua mangangkenika i Pue Yawe wua mpalaonginya samba'a pei samba'a darapampueka resi la. I Kain ia mangkeni wua ngkalingaanya, pei i Habel ia mangangkeni samba'a ana domba. Ana domba etu, etu semo to tu'anginya.



Wali ia mansambale yau ruyu domba etu panewa mangangoko wombonya to maboko pei mampampueka resi i Pue Yawe. Wali ojo pangkita i mPue Yawe pampue ntau dua etu, la manga'angga i Habel pasi pampuenya.



Pei la taa manga'angga i Kain pasi pampue to si ia. Wali see naka i Kain ia kalimpi-limpi yau apa maja'a kojo rayanya.



Pei i Kain taa mampolaika gombo i mPue Yawe etu.  
Kasimbalina yako etu ia mangansale a'inya i Habel, ia  
manganto'o, "Yaumo kita dua njo'u pada." Wali sira yau  
njo'u pada. Ojo karata nsira dua nja'u  
ria, i Kain mansaka mampakaroso  
koronya pei roo see ia  
mampopate yau i  
Habel, a'inya  
etu.



Wali yako etu i Pue Yawe mampogomboka wo'u i Kain, la mampotanaka, "Imbamo i Habel, tua'imu etu?" Pei i Kain mangansono, "Gete, taa kunsani! Si'a aku to mangkampang tua'ingku etu!" Wali yako etu i Kain miyai yako ri tango i mPue Yawe, pei yau maroo ri tana to tondo mata nu eo yako tana Eden. Tana etu sanganya Nod.



Wali yako etu i Adam maturu siwaka pei indo nu  
ananya, i Hawa, panewa i Hawa mayu'u wo'u.  
Wali ia mampoanaka wo'u samba'a ana  
langkai pei mangansangka ia i Set.



I Hawa manganto'o, "I Pue Allah mangawaika aku samba'a wo'u ana bolosi i Habel, apa i Habel etu roomo napopate yau i ngKain."



Panewa yako ri pampoana i Set etu, i Adam wayu atu nto'u wo'u katuwunya. Pasi ri rayanya etu malagi wo'u ananya to langkai pasi to we'a. Wali i Adam ia sio atu pei togo mpuyu nto'u panewa ia mate.



Wali i Pue Yawe mangkita bae kojo kaja'a nto lino apa samparia songka to yako ri pampobuuka nsira ojo maja'a semo, tare to matao. Wali apa saba ewa wetu kaja'a nto lino, see naka i Pue Yawe manganto'o, "Aku damampakaja'aka



yau to lino anu to papowalingKu seore."



“Pei si’a ojo tau to dakupakaja’aka yau,  
pasiwa binatang-binatang, pasi anu to tuwu to  
mandonggo pasi to manjoyo ri wawo  
ntana, pasi songonya tonsi to mayoko  
njo’u rao, samparia to etu  
dakupakaja’aka yau  
seja apa



Kusosongimo  
palaongingku  
mampapowali  
kasampariannya  
etu.”



Etu semo to nato'o i mPue Yawe  
mangkonong samparia banang  
nu lino etu.



Pei ane i Nuh to ratulis ngena etu, ia mangarata  
kanoto i mPue Yawe. Wali si'i semo sarita i Nuh.  
I Nuh etu, ia togo ananya paka langkai,  
sanga nu ananya etu i Sem, i Yapet  
pasi i Ham.



Wali ri tempo etu, yako kasampariannya tau to tuwu  
ri lino, ojo i Nuh semo to lengkonya singkonong  
pei i Pue Allah, pasi tare lengkonya to  
masipato rapakasala. Pasi ia tuwu  
masingkatao pei  
i Pue Allah.



Apa bae kojo pamporayang i mPue  
Allah resi to lino, see naka la mangawai  
Aku, AnaNya to samba'aja, see i sema  
tau to mangaya Aku, tau etu taa  
darapakaja'aka yau, pei  
damangarata katuwu to  
singkasaenya.



Roma 3:23 Apa samparia tau paka madosa pasi taa kojo masipato mangarata tilanya yako kayawa i mPue Allah.

Roma 6:23 Apa ntanapa ntau mangika dosa, etu semo kapate. Pei sora to yako resi i Pue Allah, etu semo katuwu to singkasaenya. Wali kita maya mangarata sora etu apa saba kita samba'a pei i Kerisitu Yesu, Pue ngkita.

Ibrani 9:27 Wali songka i mPue Allah, etu semo to lino ojo sangkani mate yau panewa roo see nabotus i mPue.

Epesus 2:8,9 Wali yako kanoto i mPue Allah semo naka pei komi seja rapalaes apa saba komi mangaya i Kerisitu.

Wali si'a yako palaong ngkomi naka pei komi rapalaes.

Sora i mPue Allah semo naka pei komi rapalaes.

Wali si'a yako palaong ngkita naka pei kita rapalaes, see naka tare tau to maya tabaro.



Roma 10:9,10 Apa ane kita mampatimonso, manganto'o, "I Yesu la semo Pue," pasi ane raya ngkita mangaya kojo i Pue Allah room mangawangu muni i Yesu yako ri kapateNya, ane ewa see kita darapalaes.

Apa raya ngkita mangaya i Pue Yesu, see naka kita nato'o i mPue Allah tare dosanta. Pasi nganga ngkita mampatimonso pangayanta etu, see naka kita rapalaes.

Yohanes 3:16,17 Apa bae kojo pamporayang i mPue Allah resi to lino, see naka la mangawai Aku, AnaNya to samba'aja, see i sema tau to mangaya Aku, tau etu taa darapakaja'aka yau, pei damangarata katuwu to singkasaenya.

Apa kamonsonya i Pue Allah mampokau Aku, AnaNya, ma'i ri lino si'i, si'a ma'i damangahuku to lino, pei yako palaong to Aku mangika see naka to lino darapalaes.



1 Yohanes 5:11-13 Wali si'i semo kareba etu: I Pue Allah roomo mangawaika kita katuwu to singkasaenya, pasi AnaNya semo pu'u ngkatuwu etu.

Wali i sema-sema tau to re'e Ana i mPue Allah resi ia, tau etu re'e seja katuwu to etu. Pei tau to tare Ana i mPue Allah resi ia, tau etu tare katuwunya to etu. Wali to tao-tao kita mangaya anu to etu mangkonong Ana i mPue Allah, apa i Pue Allah semo matamanasa mpalaong to etu, pasi la masipato rasarumaka.

Wali aku kunsani komi roomo mangaya kuasa nu Ana i mPue Allah. Pei aku tiroowa mangantulisika komi sura si'i see damanasa ngkomi saba yako pangayang komi la, re'emo katuwu to singkasaenya resi komi. Pasi aku mangantulisika komi sura si'i see tare pandoonya komi mangaya la.



# Pomulanya 3 – 6

Storyline by: Edward D. Hughes

Illustrated by: Byron Unger, Lazarus  
and Alastair Paterson

Adapted by: M. Maillot; Tammy S.

Pamona (pmf) © 2018 New Tribes Mission, Sanford, FL  
32771-1487, USA. Printed in the United States of America

<https://www.bible.com/en-GB/bible/2982/GEN.1.WNT>

©2025 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

